



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita Gasparis Barzaei Belgae E Societate Iesv: B. Xaverii
In India Socij**

Trigault, Nicolas

Coloniae, 1611

II. De successoribus Gasparis in Armuziana missione.

urn:nbn:de:hbz:466:1-45183

oratoriè dicta sint, sed historica veritate: ita ille sentiebat, scribebat, loquebatur; ita eius temporis scriptores de animi eius magnitudine loquuntur. Itaque cùm ad discessum sese parat, ne Armuziam iterū redire cogamur, de successoribus eius pauca, ad finem usque huius tam celebratæ missionis subiiciemus.

CAPVT II.

De successoribus Gasparis in Armuzianamissione.

ANTEQVAM Gaspar Goam redijsset, quoniam ita Goensi Rectori mandārat B. Xaverius, mittitur, qui reddituro Gaspari sufficiatur, P. Gonfaluus Roderiques, sub medium mensis Septembris anno 1551. paucis diebus postquam in Indiam appulerat, quò ille Gaspare iam Goam nauigante,²⁶ Nouembris die Præsentationi B. Mariæ sacro peruenit. Porrò non est prætermittendum, quod in eius itinere admirabile contigit. Pyratæ,

(Non-

(Nontaque vocant) leue nauigij *Miraculo tels immisso retrorsum acta.*
 genus, quod ipse Masquate conscen-
 derat, insequebantur omni conatu,
 ac magnum sagittarum imbrem iam
 è proximo depluebant: positis Ro-
 deriques genibus Deum cùm o-
 rasset, sagittæ ab omnibus retror-
 sum agi visæ, & è tota naui nemo,
 non ipsi Nautæ Arabes, qui nauim
 regebant, quicquam ab eis acceperæ
 detrimenti; sed nec Pyratæ, licet le-
 uibus quoque nauigij mirè conté-
 derent, potuerunt assequi: atque ita
 re infecta redierunt. Ea res ab o-
 mnibus habita est pro prodigo eui-
 denti: hoc auspicio in ciuitate benè
 copta à Gaspare, pro sua pietate ac
 zelo egregiè promouit, donec fe-
 bribus & labore pñè absumptus,
 quem auxerat cœli grauitas Patris
 valetudini mirè aduersa, Goam est
 à Gaspare cum socio, qui item æger-
 erat, reuocatus.

In eorum locum P. Antonius de
 Eredia Cocino, & Alexius Madeira
 submissi anno 1553. qui cùm secundo
 Aprilis discessissent, Armuziam 20.

Maij

Maij tenuerunt. Eorum iter etiam celebriori miraculo est honestatum. Nam cum diurna malacia in discrimen adducti essent, ob cibariorum egestatem instituta solemni per socios supplicatione, ventum & eum prosperum eodem die impetrarunt. Ij quoque hanc vineam strenue coluerunt. hoc singulare, quod etiam Regis Armuziani uxores aliquot conuerterint, ipso valde approbante, ut ex epistola ipsius Regis ad eundem iam Goam reuersum constat. Illis post annos ferè tres valetudinis quoque causa, duo alij Patres, aucto iam nostrorum numero cum vno socio sunt suffici: P. Airez Brandaon, P. Alexius Dias, & Tristanus Arausius. Illis negotijs multum fuit in adiuuāda classe ad Baharem insulam, quam occupauerant Turcæ, recipiendam missa; cuius expeditionis primò tentatæ infelix planè fuit exitus. Nam cum eo tempore aduenisset classis, quo insulæ cœlum alias admodum salutare, duobus ferè mensibus ita pestiferum

ferum est, ut si quis eo tempore ap-
pulerit, mirum sit ni moriatur; at-
que ex octingentis octo non plures
arma sustinerent, Armuziam redi-
tum est. Ea in expeditione P. Alexius
Dias, quam P. Aires Brandaon supe-
riori, sibi hanc proninciam sumeti,
panè precibus extorserat, moritur,
commune lue correptus, & pecu-
liaribus sui instituti laboribus op-
pressus. Eius corpus in mare de mo-
re proiectum, solita etiam pro diui-
no amore caruit sepultura. P. Aires
Brandaon mirum in modum cum
classe redeunte laborauit, numero
ægrorum superatus; atque idem
cum alia deinde sed euentu melio-
re sudauit. Huic, cùm Goam esset re-
uocatus, P. Ioannes Misquita sub-
missus est: cui denique in Armuzia-
na missione postremus P. Petrus de
Toar est suffectus. Inde cum illo fe-
rè tempore Patres ex D. Dominici
familia pro suo animorum zelo eò
venissent, & egregiè suo munere
fungerentur, visum est superiorib.
Societatis, qui pro multitudine
messis.

messis messoribus carebant, messem illam tantis operarijs commendare: quod factum anno salutis nostræ 1567. sedecim ferè post annis, quam illam missionem inchoarat. Atque ita videor mihi breuiter ijs, qui Armuzianæ missionis euentum scire cupiebant, satisfecisse. Omnia porro quæ dixi, ab alijs ferè intacta, ex ipso Conimbricensi Archiuo, autographorum ipsorum fide erui. sed ad Gasparem redeamus.

CAPUT III.

Armuzia discedit Goam versus.

DISCESSVS Gasparis in Iaponiam euocati iam percreuerat Armuziæ: vnde luctus in vrbe primum; ab inerte deinde luctu ad eam profectionem disturbandam itum est. Itaque frequentes ad eum amici conueniunt, Gasparem si fieri posset expugnaturi. sperabat enim eo non repugnante se facilius vel Proregis vel Episcopi Goani opera rem vniuersam perfeturos. Eorum in hæc ferè verba institue-